

DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA*,

CARDINALITIIS DISPUTATIONIBUS

*manè discutienda in Scholis Medicorum, die Jovis vigesima-sextâ
mensis Februarii, anno Domini M. DCC. LXXXIX.*M^o. JOANNE-ARMANDO ROUSSIN DE MONTABOURG,
Doctere Medico Præfide.*An sanitati noceat frequens expuitio ?*

I.

MEDICINÆ practicæ pars non infima Hygieine, cujus objectum quidquid sanitatem tueri, morbos præcavere, corpusque ad longævitatē disponere valet. Non igitur solummodo aëris, cibi & potus, motus & quietis, somni & vigiliæ atque animi affectuum moderatio ac regimen ad eam pertinent, verum etiam excernendorum retentio, & retinendorum excretio ipsi veniunt præcavendæ. Scilicet inter humores diversos, qui à sanguine tanquam à fonte communi per diversa incernicula, sive glandulas veras, sive poros simplices, fegregantur ac secernuntur, alii ad certos usus vel individui conservandi vel sobolis propagandæ à beneficiâ naturâ destinantur & appellantur *Recrementitii*; alii verò à recrementorum elaboratione residui, assimilationem cum liquidis humanis pati indociles, tanquam inutiles imò noxii amandantur foràs, & *Excrementitii* dicuntur; alii tandem, quasi mixtæ indolis, non immediatè quidem ad actiones naturales conferunt ut recrementa, nec aliundè perpetuè inutiles & noxios sese exhibent ut excrementa, sed partibus inungendis, lubricandis & ab excrementorum acrimoniâ defendendis inserviunt, nec unquam nocent nisi fortè qualitate peccent vel copiâ. Qui quidem humores (malè à quibusdam inter recrementitios, pejùs à nonnullis inter excrementitios recentiti, melius fortasse *lubrificantes* proprio nomine appellandi) quandoque intrâ corpus retineri, quando que à corpore eliminari possunt, imò debent salvâ œconomiâ animali. At verò non idem de recrementis & excrementis ita propriè dictis, affirmari potest. Quantum enim horum retentio sanitati noceret, tantum illorum excretio nimia foret insalubris. In hanc regulam non frequentius peccatur quàm dùm sive pravâ consuetudine, sive ignorantia & errore, ferè insensenter expuitur. Tunc enim foràs eiciuntur humor blândus & utilis quo non salubrior alter in toto corpore, saliva nempe; quæ si deglutiretur & sanguini rursus misceretur, melior fieret ac melior, quâ verò deficiente, innumera oriuntur mala.

I L

PLURIMI hospitantur in humano corpore humores quorum ignoratur natura imò existentia ambigitur, vel quia ob tenuitatem nimiam oculos fugiunt, vel quia difficile est admodum illos in animalibus vivis ex ipso fonte sinceros hau-

* M. SAVARY, *Thèses Audors*, 1769.

rire, & sufficienti copiâ colligere explorandos. Anatomici qui hætenus in detegendis corporis partibus solidis, multum nec sine fructu insudarunt, de fluidis ferè siluere quasi his non æquè ac prioribus staret oeconomia animalis. Chemia cujus obiectum est varias entium naturalium proprietates indagare, plurima de regno fossili, pauciora de vegetabili, paucissima de animali hucusque suppetitavit. Aded ut vix quidquam de humoribus tum sanis tum morbosus nobis constet, nedum oeconomiae animalis doctrina perfectionis culmen, ut quidam autumant, attigerit. Attamen hoc vitium in salivam non cadit, cujus utique ea est scaturigo, eaque copia & colligendi facilitas, ut de ipsius naturâ & usu, tum ex qualitatibus nativis & phenomenis quæ absque ignis torturâ exhibet, tum ex analysi chemicâ, ritè exploratis, aliquid certi statuere possimus undè præsentis humoris illius utilitas, absentis noxa inferatur. Secernitur quidem à sanguine puro, arterioso, multis variisque glandulis quas communi nomine *Stomaticæ* Steno appellavit, (quarumquidem naturam, fabricam & situm docet Anatome) nimirum parotides maxillares, sublinguales, buccales, palatinas & tonsillares, ex quibus per plures ductus secretorios in oris cavum undique confluit, copiosius autem inter manducandum & loquendum. Quod atinet ad qualitates narivæ salivæ, 1°. diluta & pellucida est, odoris & saporis ferè prorsus expers. 2°. Igne non concrevit ut de lymphâ constat, sed candenti laminâ metallicâ imposita tota evanescit. 3°. Conquassata tenaciter spumescit. 4°. Vestium maculas abstergit saponis instar, ulcera mundat, tumores resolvit. 5°. Farinæ fermentationem promovet, ut patet ex more vetularum Indiæ edentularum orizam & mais manducantium, dein succum cum salivâ mixtum expuentium in vasa, ut indè fermentatione paulatim conceptâ parentur potus inebriantes his ce gentibus acceptissimi. 6°. Tamen nimiam substantiarum animalium ad putrefactionem, vegetabilium ad acescentiam dispositionem reprimere ac moderari videtur juxta Clarissimum Pringle * experimenta.

* *Id. Mémoire 5. sur les substances septiques.*

7°. Tandem dum ore planè siccò deficit saliva nullo modo sentiuntur sapores, licet sapidissima corpora linguæ & palato applicentur; dum vitiatum, injucundè gustum afficiunt. Si autem saliva distillationi secundum artem subjiciatur, suppetit 1°. liquores varios phlegmatico-salinos qui tincturæ florum malvæ virorem communicant, & cum spiritibus acidis effervescent. 2°. Olei empyreumatici & alkalibus saturati guttas aliquot. 3°. Ex massâ residuâ, calcinando & elixivando aliquantula salis alkalini fixi quantitas educitur. 4°. Paucissima remanet terra damnata Chemicis dicta. Ex his itaque non difficili negotio concludere est salivam esse humorem blandum ex copioso phlegmate, multo sale alkalino volatili ** aqueis partibus tamen dilutione quam ut organa sensuum afficiat, aliquantulo oleo sive sulphure Physiologis dicto & paucò sale alkalino simul in saponem coactis, tandem que terrâ paucissimâ compositum: adeoque genuinum ipsius usum esse non modò vias deglutionis lubricare, quod potius verum est de tonsillarum & uvulæ mucosæ, sed vehiculum præbere saporibus solvendo alimentorum tales, ac potissimum alimenta duriora & sicciora jam manducatione contrita penetrare, emollire, humectare, dissolvere, primarum viarum digestionem inchoare, ingesta ad assimilationem in naturam nostram disponere, atque ipsis primum quâ animalitatis sigillum imprimere.

** Sal ille volatilis sese manifestat odore urinoso dum linguæ applicatur sal alkalini fixum cujus actione resolvitur saliva.

III.

P RINCIPEM ergò inter humores recrementitios locum tenet saliva, eo præsertim titulo quòd digestionem opiteatur, ut satis superque evincit tum illius humoris qualitas, copia, secretionis locus, tum fontium ex quibus manat numerus, situs, vicinia. Porro humor recrementitius alimentorum coctioni inserviens nunquam potest sine noxâ rejici, imò quot & quanta ex frequenti illius exspuptione oriri debeant incommoda veras oeconomiae animalis leges callenti patescit. Non enim jam per digestionem intelligitur sola ex ingestis per trituâ simplicem chili extractio, qualis secundum artem ex mucilaginosi seminibus extrahitur emulso. Id figmenti evertit ex multiplici alimentorum aded inter se discrepantium naturâ, unus

& idem semper nascens chilus, ac requirit potius actionem humorum solventium ex ipsâ sanguinis massâ per coctiones præcedentes paratorum, & assiduâ elaboratione secretorum, variorum fortasse in variis animalium speciebus, quorum ea sit energia ut tam diversas ingestorum substantias inter se miscere, & cum corpore nutriendo jam assimilare, earum odorem & saporem mutare, motum intestinum in iis excitare, inchoare fermentationem, putrefactionem retardare, salina solvere, oleosa cum aquosis miscere, & ex iis tandem humorem blandum, uniformem, per lacteorum oscula meabilem, cum lymphâ & sanguine miscibilem parare possint. Atqui ex antecessis patet salivam ad eos omnes effectus præstantissimos symbolum primariò conferre tum vi saponaceâ quæ ex oleo & sale alkalino exurgit, tum aquâ & spiritibus quibus etiam constat, tum denique perfectâ ipsius coctione & cruda assimilandi virtute singulari quam resorptione in sanguinem & iteratis circulationibus acquirit. Deficiente verò salivâ, non solum pauciori quantitate ex ingestis educitur chylus, sed etiam paratur deterior; si quidem observatum est * panem nigrum si subito abique manducatione devoretur, & sine salivæ admistione, post aliquot horas nihil mutatum revomi, eundem verò, si dentibus probè subigatur, & cum salivâ intinè misceatur, in album liquorem abire chylo simillimum. Undè tritum illud animam suam odisse qui oderit masticationem. Chylus autem deterioris notæ difficulter admodum in sanguinem mutabitur, sed per urinæ vias maximam partem eluetur & amandabitur foras, adeoque etiam vel nihil vel parùm lymphæ nutritiæ suppeditabit, necnon aliorum pariter quorumlibet recrementorum, præsertim salivæ ipsiusmet, secreto perturbabitur, undè rursum eadem imò pejora redibunt incommoda. Quamvis enim iisdem quibus nutrimur constemus, debet tamen præparari in corpore materies nutriens, ut assimiletur in naturam nostram, & restituere possit illa quæ per actionem ipsam vitæ deperduntur, si quidem non ingesta quælibet sed digesta sola nutriunt. Læsâ autem primâ coctione seu mutatione alimentorum in chylum, læduntur & aliæ, nimirum chyli in sanguinem transformatio, & sanguinis ipsius in lympham nutritiam toti corpori prospicientem aliaque recrementa partibus singularibus utilia mutatio, quæ est sanè ultimus coctionis animalis terminus & finis.

I V.

QUOD jam de salivæ usu ac necessitate ratione evicimus, id quoque quotidiana comprobât experientia. Sic, dum in primis viis aguntur tragædiæ, observamus eos qui frequentius spuiunt appetitu carere, fastidire cibos, difficulter ac ne vix quidem concoquere, flatibus obnoxios esse. Cum autem ulterius processit mali labes, tunc temporis consumptâ per nimiam salivæ excretionem liquidiori materiâ, lentissima sit reliqua humorum massa, vix permeabilia sunt vasa capillaria, impeditur circulatio in minimis viscerum præsertim abdominalium vasculis, morbus nascitur hypochondriacus, unde meritò olim Hippocrates sputatores melancholicos esse aut fieri pronuntiavit. Cujus quidem rei exempla quotidie nobis præbent ii quibus familiare est perpetuò mastichen vel tabacum manducare, aut etiam tabaci fumum ex fistulâ frequenter sugere. Hi enim, teste experientiâ, corpus suum exhauriunt & in anorexiam, maciem, sitim, tabem, melancholiam denique se præcipitant. Olim more fuit receptum inter aulicos Galliæ nostræ, ad exemplum Principis, ut pastillos ex mastiche aliisque medicamentis odoratis compositos continenter manducarent, undè ferè omnes in teterissimam atram bilem inciderunt, ex quâ non convalescere, nisi prius cognitâ mali causâ à masticatione manducatione desinere iussi. Tandem non modò chylus, non modò sanguis, sed etiam lymphâ nutritia blando ac dulci balsamo ad restaurandas vires adeò necessario per hanc detestabilem spendi consuetudinem orbat, & sensim corpus misere tabescit. Undè Boerhaavius ait salivam expuitione voluntariâ nimis secretam ἀπορροήαν, δειπνήσαν, πρὸς τὴν creaturæ. Narrat Ruyschius ** auctor gravissimus, puellam annos duodecim natam, quæ ob ingentem plagam in inferiori labro stillicidium perpetuum salivæ perpetiebatur, corpus habuisse diu tenebellum & admodum exilè, sanatum verò mox increvissè, & iustam corporis

* Boerhaav.
prælec. Acad.
§ 55.

** Ruysch. adv.
II, n°. 5.

magnitudinem adeptam esse. Idem invisit matronam quamdam Amstelædamensem summopere emaciatam & consumpti ferè corporis, quam deseruerant desperantes omnino de sanitate Medici. Dùm circumspiceret ad omnia fedulus Medicus ut inquireret in causas mali, vidit fortè eam omni temporis momento in vas à latere appositum salivam expuere. Vetuit illicò ne hunc benignum humorem ejiceret. Quæ rerum mutatio! brevi sanata fuit absque ope, sine necessitate alterius auxilii: nec semel id se vidisse ait, imò verè sæpè numero. Et sanè nemini inter attentos Medicos non contigit simile quid observare. *Quàm errant igitur ut cum Rhuyschio dicam* ** qui salivam pro excremento noxio habentes, eam abijciunt; eoque pulchrius valere putant hominem quo frequentius eà corpus exonerat, cum in finem sialagoga adhibentes & offas tenaces manducandas!

** Ruisch.
Ibid.

V.

Nec fuadere debent expuitionem casus nonnulli in quibus proritur salivæ uberior excretio, verbi gratiâ, in lue venereâ, in cachexiâ. In hæc enim non tam vera saliva ejicitur quam aqua inutilis & redundans ad quam eliminandam commendantur masticatoria; in illâ autem id quod salivatione mercuriali effluit est liquamen putridum è sanguine liquefacto exulans à salivæ naturâ alienum. Neque etiam salivæ inutilitatem arguere debet critica per glandulas salivarias evacuatio in variolis & quibusdam aliis morbis exorta: hæc enim viâ tunc liberatur corpus noxiâ perspirationis insensibilis materiâ, quæ crustâ cutem tegente intrâ sanguinis rivos repulsa est. Nec tandem cum excreatione confundendâ perperam expuitio. Hæc enim est puræ salivæ excretio, illa autem est viscosi muci à salivâ dissimilis ex asperâ arteriâ, Bronchiis, imò tonsillis cum quodam conatu rejectio, quæ quidem sæpius, præsertim maturino tempore, utilis est ac necessaria, dùm scilicet ille mucus copiâ vel spissitudine peccans, partium lubricationi jam ineptus, morâ duntaxat, & stagnatione excrementitius fit, & excreandus, saliva autem, quantâ libet copiâ fecernatur in os, nunquam tamen excrementi nomine venit; sed naturâ per somnum monstrante viam semper deglutienda. Deglutita enim & sanguini iterùm atque iterùm mista, repetitâ quasi cohabitatione optima fit, & in menstruum perfectissimum elaboratur.

Ergò sanitati nocet frequens expuitio.

Proponchat Parisiis HONORATUS VRIGNAULD, Nannensis apud
Armoricos, Doctor Medicus Monspelensis, necnon Saluberrimæ Facultatis
Medicinæ Parisiensis Baccalaureus.

A. R. S. H. 1789. AB OCTAVA AD MERIDIEM: